

ZABORAVLJENE ŽRTVE TERORISTIČKOG AKTA NA NEW YORK I WASHINGTON



Dio žrtava terorističkog napada na *blizance* Svjetskog trgovačkog centra u New Yorku

U tijeku su velike pripreme za obilježavanje 10. obljetnice terorističkog napada na SAD, odnosno gradove Washington i New York.

Brojne organizacije, crkve i vjerske zajednice, čiji su pripadnici poginuli u terorističkom napadu, pripremaju prigodna sjećanja na njih, trajnije obilježavajući njihova imena. U tom neprijateljskom činu poginulo je među ostalim i velik broj Arapa kako muslimana, tako i kršćana.

Na veliku žalost američka i svjetska javnost malo je o njima doznala. I tu se daje zaključiti da su njihove žrtve zaboravljene, jer eto njihovi su sunarodnjaci i istovjernici počinili teroristički čin. Jedino se internetski portal satelitskog TV kanala *El-Arebija* pobrinuo da njihova imena ne budu zaboravljena.

Među žrtvama napada bi je i jedan Jemenac po imenu Abdus-selam Mellahi koji je poginuo spašavajući druge, a čije je ime tek ovih dana javnost upoznala.

U zrakoplovu koji je udario u sjeverni tornju Svjetskoga centra bio je Libanovac po imenu Butros Džordžis Hašim, kršćanin koji je uselio u SAD 1969. godine, rođen u gradiću Akura 70 kilometara od Bejruta. U Ameriku je došao kao petogodišnji dječak radio je kao direktor proizvodnje u jednoj firmi. Putovao je iz Bostona u Los Angeles. Njegova sestra Rouz u zadnji trenutak odustala je od puta s njim i tako ostala živa.

Priča druge žrtve istoga aviona na liniji Boston Los Angeles, bio je libanonski kršćanin Waled Iskender koji se tih dana vjerio sa državljankom Južnoafričke Republike Nikolitom, a s kojom je radio u Londonu, gdje je i stanovao. Mjesec dana prije napada s vjerenicom je bio u Ateni u Grčkoj gdje su dogovorili svadbu u lipnju 2002. godine. Waled je krenuo u Boston da posjeti rođaka, a zatim u

Los Angeles da bi prisustvovao svadbi jednog rođaka. U Bostonu je zamolio zaručnicu da ostane s njegovim rođakom, a on je sam pošao u Los Angeles u zrakoplovu koji se zbio u toranj Trgovačkog centra. Rođen je 1967. godine u Beirutu. Završio je studije na Harvardu, a radio je u jednoj tvornici za proizvodnju kompjutora.



Jemenac Abdus-selam Mellahi, jedan od spasilaca drugih i sam je nastradao



Butros Džordžis Hašim poginuo je u avionu na liniji Boston-Los Angeles



Waled Iskender nastradao u istom avionu Boston-Los Angeles

Isto također Libanonac Džad Musa radio je u jednoj od najvećih osiguravajućih kompanija u Americi *Canton Ficgerard*, čije je sjedište bilo na 101-105 katu nebodera. S obzirom da su radnici i službenici spomenute firme radili na katovima tornja ispod kojih je avion udario, ostali su odsječeni i nije im bilo spasa. Ova je kompanija imala najveće gubitke u ljudstvu. Poginulo je njih 658, a među njima bio je i Džad Musa, koji je doselio u Ameriku 1984. godine. On je svakoga jutra po dolasku na posao nazvao roditelje da s njima porazgovara, a koji su živjeli na otoku Gvadalupa na Karibima. I toga dana nazvao ih je 15 minuta prije katastrofe. Kada je poginuo imao je 35 godina.



Roditelji Džada Muse nisu nikada prežalili. Kažu da ih nikada nitko nije posjetio do dopisnika El-Arabije

Četvrti Libanonac koji stradao u terorističkom napadu bio je Robert Dirani koji je poginuo. Kada je poginuo imao je 43 godine, ali nije pronađena ni njegova fotografija, niti je ikada pronađen dio njegova tijela.

Pored njega stradao je i Egipćanin Albert El-Elfi, državljanin Kanade, ali koji je stalno putovao po svijetu. Mjesec dana prije katastrofe počeo je raditi u kompaniji Ficgerard kao kompjutorski stručnjak. Prije nesreće na tri mjeseca oženio se i nije uspio vidjeti kćer za života.



Albert El-Elfi stradao na 104 katu Trgovačkog centra

I Jordanac Remzy Devani stradao je na 100 katu Svjetskog trgovačkog Centra. Kada je poginuo imao je 35 godina i rođeni je Palestinac. U Ameriku je došao kao devetnaestogodišnjak.

Pored spomenutih žrtava arapskog podrijetla, tu su još i četvorica libanonskog porijekla ali čiji su djedovi doselili u Ameriku.

Što se pak tiče muslimana dopisnik Arabija Net uspio je sakupiti i njihove podatke. Poginulo je 6 muslimanki i 26 muslimana i to: 6 Pakistanaca, 6 Benala, 4 iz Gvajane, 2 iz Šri Lanke, 2 iz Gambije, 2 iz Obale Slonove Kosti, 1 iz Jemena, 1 iz Irana, 1 iz Etiopije, 1 iz Turske, 1 iz Trinidada, 1 iz Burme, 1 iz Albanije, 1 iz Grčke i 1 iz Indije.

U islamskom svijetu kružile su razne priče o broju poginulih muslimana i Arapa. Dopisnik *Arabijja Neta* tvrdi u svom članku da je istraživao nekoliko mjeseci broj poginulih Arapa i musliman i da je došao do spomenutog broja. U napadu na Pentagon nije nitko od muslimana i Arapa poginuo.

Š. O.